



Broj: 101-2135/24

Mostar, 30.5.2024. godine

Na osnovu člana 103. stav (1) tačka c) Zakona o visokom obrazovanju u HNK, članova 72., 128. stav (1) tačka c), 163. stav (1) Statuta Univerziteta „Džemal Bijedić“ u Mostaru, a u skladu sa članom 12. i 13. Pravila studiranja na III ciklusu studija i sticanja zvanja doktora nauka na Univerzitetu „Džemal Bijedić“ u Mostaru i Odlukom Senata, broj: 101-2134/23 od 30.5.2024. godine, Univerzitet „Džemal Bijedić“ u Mostaru raspisuje

JAVNI KONKURS

ZA UPIS ČETVORTE GENERACIJE POLAZNIKA NA DOKTORSKI STUDIJ EVROPSKOG PRAVA NA PRAVNOM FAKULTETU UNIVERZITETA „DŽEMAL BIJEDIĆ“ U MOSTARU

I) Osnovne informacije o studiju

Naziv studija:	Doktorski studij Evropskog prava
Nivo:	Treći ciklus studija
Model:	Treći ciklus u trajanju od tri godine
Broj ECTS bodova:	180 ECTS
Vrsta studija:	Akademске studije
Zvanje:	Doktor nauka iz područja društvenih nauka, polje pravo, iz odgovarajuće grane
Oblast obrazovanja:	Društvene nauke, pravo, odgovarajuća grana
Cijena doktorskog studija:	15.000,00 KM (2.500,00 KM po semestru)

Doktorski studij, u trajanju od šest semestara, izvodi se na modulima:

1. Građansko i porodično pravo
2. Krivično pravo
3. Ustavno pravo

Upis četvrte generacije polaznika Doktorskog studija Evropskog prava organizirat će se samo pod uvjetom da se za upis prijavi dovoljan broj kandidata, o čemu će odluku donijeti Vijeće Doktorskog studija Evropskog prava.

II) Uslovi za prijavu

Pravo prijave na konkurs za upis na doktorski studij imaju kandidati koji ispunjavaju jedan od sljedećih uslova:



- a) završen studij II ciklusa iz oblasti pravnih ili drugih društvenih ili humanističkih nauka sa najmanje 300 ECTS bodova s najmanjom prosječnom ocjenom 8,00 ili ekvivalentna vrijednost na prvom i na drugom ciklusu;
- b) po ranije važećim propisima završen pravni fakultet u trajanju od najmanje 8 semestara s najmanjom prosječnom ocjenom 8,00;
- c) po ranije važećim propisima završen magistarski studij iz oblasti pravnih ili drugih društvenih ili humanističkih nauka, te stečeno zvanje magistra pravnih nauka ili magistra drugih odgovarajućih nauka, s najmanjom prosječnom ocjenom 8,00;
- d) po ranije važećim propisima stečeni ekvivalent akademskom zvanju magistra (specijalist), a u I i II ciklusu završen pravni fakultet ili stečen ekvivalent na II ciklusu na pravnom fakultetu, s najmanjom prosječnom ocjenom 8,00 uz obavezu polaganja razlike predmeta;
- e) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) s najmanjom prosječnom ocjenom 7,5 uz dvije preporuke predmetnih nastavnika sa prethodnih ciklusa studija koje je kandidat pohađao;
- f) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) ili završen studij iz alineje (d), pod uvjetom da kandidat ima najmanje dva objavljena naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnim naučnim konferencijama.

Svi kandidati treba da posjeduju znanje engleskog ili drugog stranog jezika važnog za oblast studija.

Prilikom upisa na studij kandidati koji nisu završili pravni studij I ili II ciklusa, ili nisu stekli zvanje magistra pravnih nauka, Vijeće studija određuje ispite iz programa I i II ciklusa pravnog studija koje ti kandidati treba da polože da bi im se odobrio upis na studij. Izuzetno, Vijeće studija može odobriti da takvi kandidati upišu pripremni semestar u kojem bi ovladali, po individualiziranom programu, odgovarajućim sadržajem iz programa I ili II ciklusa pravnog studija u obimu do 30 ECTS bodova. Sadržaj individualiziranog pripremnog semestra određuje, u skladu s prethodno stečenim znanjima, posebna komisija imenovana od Vijeća studija.

Kandidatima koji su završili pravni studij i ostvarili 300 ECTS bodova priznaje se 14 ECTS bodova (položeni predmeti: Metodologija pravnih nauka i Evropska pravna tradicija).

Upisuju se u I semestar doktorskog studija.

Kandidatima iz tačke c. priznaje se 60 ECTS bodova (I semestar: 30 ECTS; II semestar: 30 ECTS).

Upisuju se u III semestar doktorskog studija



Kandidatima koji su upisali magistarski studij iz oblasti pravnih nauka ili drugih društvenih ili humanističkih nauka, ali taj studij nisu završili (ostala im izrada i odbrana magistarskog rada), priznaju se 52 ECTS bodova (I semestar: 30 ECTS; II semestar: 22 ECTS za 2 obavezna predmeta). Upisuju se u II semestar, u okviru kojeg imaju obavezu položiti jedan (1) izborni predmet (8 ECTS).

Svi ostali kandidati upisuju I semestar doktorskog studija.

Uslovi prelaska sa drugih studijskih programa

Planirana struktura i organizacija doktorskog programa, zasnovana na ECTS sistemu bodova, omogućava otvorenost i mobilnost studenata:

- Studenti ovog studija mogu upisati kolegije i na drugim odgovarajućim programima na Univerzitetu, kao i na drugim univerzitetima u zemlji i inostranstvu;
- Studenti drugih doktorskih programa koji se izvode na drugim studijima mogu upisati kolegije ovog doktorskog programa;
- Mogućnost upisa je otvorena stručnjacima iz drugih oblasti društvenih i humanističkih nauka.

III) Uz prijavu u kojoj se navodi odabrani modul obavezno se prilažu dokumenti:

- biografija sa opisom stručne i naučne aktivnosti;
- izvod iz matične knjige rođenih (ovjerena kopija);
- uvjerenje o državljanstvu (ovjerena kopija);
- pasoš ili drugi adekvatan dokument za strane državljane (ovjerena kopija);
- potvrda o poznavanju stranog jezika
- diplomu o završenom VII/1 stepenu stručne spreme ili diplomskom akademskom studiju ili poslijediplomskom naučnom magistarskom studiju (ovjerene kopije);
- uvjerenje o položenim ispitima sa ostvarenim prosjekom ocjena iz prethodnih ciklusa studija;
- preporuke najmanje dva profesora (prilažu samo kandidati koji ispunjavaju uslove upisa iz tačke e);
- ispisnica sa poslijediplomskog naučnog magistarskog studija (prilažu samo kandidati koji se prijavljuju za upis u II semestar);
- dokazi o objavljena najmanje dva naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnim naučnim konferencijama (prilažu samo kandidati koji ispunjavaju uslove upisa iz tačke f).



Kandidati koji su studije završili u inostranstvu uz prijavu na konkurs podnose obrazovne isprave i rješenje o ekvivalenciji, odnosno nostrifikaciji, a ako je postupak nostrifikacije u toku dostavljaju dokaz o podnesenom zahtjevu. Pravo na upis kandidat stiže nakon donošenja rješenja o nostrifikaciji.

Izvedbeni plan poslijediplomskog doktorskog studija objavljen je na web stranici www.pf.unmo.ba

Sve potrebne informacije mogu se dobiti putem e-maila: pf@unmo.ba ili putem telefona: ++ 387 (0)36 514 230 i ++ 387 (0)36 514 236.

Prijave se podnose poštom (preporučeno) ili lično na adresu:

Univerzitet „Džemal Bijedić“ u Mostaru, Pravni fakultet
USRC Midhad Hujdur Hujka, Sjeverni logor bb, 88104 Mostar
uz naznaku: Prijava na Konkurs za upis na Doktorski studij Evropskog prava

IV) Rok prijave

Konkurs ostaje otvoren do 15. 11. 2024. godine.

PREDSJEDAVAJUĆA SENATA
UNIVERZITETA „DŽEMAL BIJEDIĆ“ U MOSTARU

prof. dr. Alena Huseinbegović, rektorica